



www.facebook.com/syrboyi.kz/



www.instagram.com/syrboyi_kz



https://twitter.com/syrboyi



t.me/syrboyi_kz

3 Жезқазған жолында не жаңалық?



5 Уақыт бәрін әділ таразылайды



6 Тәрбие



8 Ту ұстап, тарлан мінген



● ПРЕЗИДЕНТ

Қазақстан-Ресей: Ынтымақтастық нығая береді



Мемлекет басшысы Қасым-Жомарт Тоқаев жұмыс сапарымен Мәскеуде болды. Онда Ресей Федерациясының Президенті Владимир Путинмен келіссөз жүргізіп, екіжақты қатынастардың перспективаларын және аймақтық деңгейдегі ықпалдастықтың өзекті мәселелерін талқылады. Мемлекеттер басшылары бұқаралық ақпарат құралдарының өкілдері үшін бірлескен брифинг өткізді. Сондай-ақ, Қазақстан Президенті Қасым-Жомарт Тоқаев Ресей Үкіметінің төрағасы Михаил Мишустинмен кездесті.

Серіктестік және маман даярлаудағы мәміле

Қазақстан Президенті Мәскеуге сапармен келуге шақырғаны және дәстүрлі түрде қонақжайлық көрсеткені үшін Ресей қашбасшысына ризашылығын білдірді.

– Владимир Владимирович, ең алдымен, Мәскеуге сапармен келуге шақырғаныңыз үшін алғыс айтамын. Шын мәнінде, бұл Жаңа жылдан кейінгі, өкінішке қарай, елімізде болған қаңтардағы қайғылы оқиғалардан кейінгі алғашқы сапарым. Бұл еліміздің конституциялық құрылысына нұқсан келтіріп, мемлекеттік төңкеріс жасау мақсатымен Қазақстанға шабуыл жасаған халықаралық лаңкестер мен бұзақылардың мұқият дайындалған операциясы болды. Қазір тергеп-тексеру жұмыстары жүргізіліп жатыр. Алғашқы нәтижелері де бар. Өкінішке қарай, құрбан болғандардың саны өте көп. Бұл менің де жаныма батады. Қаза болғандардың жақындары мен туыстарына көңіл айтытқым. Әрбір жағдай жіті тексеріледі. Кінәлілер анықталып, жауапқа тартылады. Елімізге бітімгерлік күштерін жіберу жөніндегі Қазақстанның үндеуіне жылы әрі іскерлікпен қарағаныңыз үшін Сізге тағы да ризашылығымды білдіремін. Бітімгерлік контингент стратегиялық нысандарды күзету

тұрғысынан өте маңызды рөл атқарды, – деді Қасым-Жомарт Тоқаев.

Владимир Путин қаңтардағы қайғылы оқиғаларға қатысты өзінің пікірін білдірді. – Қазақстанды ел ішіндегі күрделі жағдайды пайдаланған қандай да бір халықаралық бүлікшілердің құрбаны болды десек, артық айтқандық емес. Ресей Ұжымдық қауіпсіздік туралы шарт ұйымына мүше мемлекеттің бірі ретінде Шарттың 4-бабына сәйкес Қазақстанға көмек қолын созды. Дегенмен, Қазақстан басшылығы негізгі рөл атқарды, сондай-ақ өздерінің ісіне, антына және халқына адал құқық қорғау органдары мен қарулы күштер өздеріне жүктелген міндетті орындады. Осы оқиғалар кезінде қираған нысандарды қалпына келтіру үшін көп күш жұмсау қажет екенін де білемін. Бірақ Қазақстан Сіздің табандылығыңыздың арқасында нық тұр және Сіздің басшылығыңызбен белсенді дамуда, – деді Ресей Президенті.

Президенттер екі ел арасындағы жан-жақты байланыстардың табысты дамуының жоғары бағалап, саяси, экономикалық, сауда, инвестициялық және мәдени-гуманитарлық қарым-қатынастарды тереңдетуге екі тараптың да мүдделі екенін айтты.

– Алдағы келіссөз барысында Қазақстанның және екі елдің де стратегиялық мүдделерін қамтитын бірқатар өзекті мәселе бойынша пікір алмасуды жоспарлап отыр-

мыз. Маңызды келісімге қол қойылды. Жалпы, саяси ерік-жігер бар, өзара стратегиялық, одақтастық қарым-қатынастар бойынша нақты нәтижеге қол жеткіземіз деп ойлаймын. Бұдан бұрын да Қазақстан мен Ресейдің Құдай қосқан көрші екенін айтқанбыз. Әлемдегі ең ұзын құрлықтық шекара да бізге тиесілі. Елдеріміз арасында достық пен ынтымақтастықтан басқа қарым-қатынас болуы мүмкін емес, – деді Қазақстан Президенті.

Ресей басшысы екі ел арасындағы экономикалық ықпалдастықты арттыруға ниетті екенін мәлімдеді.

– Ресей Қазақстанның ірі сауда-экономикалық серіктесі екеніне қуаныштымын. Халықаралық алаңдарда да тығыз ынтымақтастық орнатқанбыз, бұрынғы Кеңестік кеңістіктен тыс ірі халықаралық ұйымдарда да ықпалдастығымыз бар. Биыл дипломатиялық қатынастарды орнатқанмызға – 30 жыл. Бірқатар көлемді іс-шара өткізу көзделіп отыр. Олар біздің іскерлік, гуманитарлық байланыстарымызға пайдалы болатынына сенімдімін. Ғарыш, энергетика, машина жасау салаларындағы ірі жобалар бойынша бірлесіп атқаратын жұмыс көп, – деді Владимир Путин.

Қазақстан мен Ресей басшыларының кездесуі барысында білім беру саласындағы ынтымақтастыққа баса мән берілді. Инженерлік-техникалық саладағы жоғары білікті мамандардың тапшылығына байланысты Қазақстанда Ресейдің жетекші жоғары оқу орындарының филиалдарын ашу және «Болашақ» бағдарламасы аясында Ресейде мамандар әзірлеу жөнінде уағдаластыққа қол жеткізілді.

Келіссөз қорытындысы бойынша білім беру, теміржол, цифрландыру, ғарышты игеру және атом энергетикасы салалары бойынша мамандар даярлауға қатысты бірқатар құжатқа қол қойылды.

2-бет

● «БАЛАЛАР ЖЫЛЫ»

ҰЛТТЫҚ БОЛМЫС ұрпақ тәрбиесінен басталады

Ұлттық код – ұлттың қуаты. Жалпақ тілмен түсіндірер болсақ тілі, ділі, өнері мен салт-дәстүрі, мәдениеті. Әр ұлттың өзіне тән ерекшелігі, даралап тұрар болмысы болады. Сол арқылы оның қандай екенін ел таниды, қызығушылық білдіреді. Жаһандану дәуірінде баға жетпес осындай құндылықтарымызды қалай сақтап қала аламыз? Атадан балаға мирас болып келе жатқан сан ғасырлық тарихы бар мәдениетіміз бен әдет-ғұрпымыздың ғұмыры ұзақ болуы үшін не істеу керек? Тақырыпқа бойлап, саралап көрейікші.

Сб Айсауле ҚАРАПАЕВА,
«Сыр бойы»




Жер бетінде қаншама ұлт болса, әрқайсысының ұлттық коды өзінше бір тарих. Соның ішінде тазалығы мен ешкімге ұқсамайтын даралығы басым өз ұлтымыздың құндылығы дер едім. Себебі болмыс-бітімі бөлек, тілі шұрайлы, мәдениеті мәйекті ұлтпыз. Жеті атаға, дейін қыз алыспайтын дәстүрі бар, тектілікті сақтаған халықпыз. Текта-

ну ғылымына дамыған елдер енді ғана ден қойып зерттеп жатса, оны біздің қазақ бағында-ақ жік-жікке бөліп, терең зерделеп, пайымдап қойған. Ана сүтімен бойға дарыған рух-жігеріміз, қайсар мінезділігіміз тағы бар. Дүшпанға жаншылмаған, намысты бастан асырмаған ел екенімізді Қаз дауысты Қазыбек би де айтып кеткен. Алайда, бүгінгі

қоғамда орын алып жатқан адам айтқысыз қылмыстар, өз баласын далаға тастаған көкек аналардың көбеюі, бір жыныстылардың ашықтан-ашық қоғамда тайраңдауы секілді бұрын-соңды болмаған дүниелердің орын алып жатқаны сенгің келмейді. Бірақ, құл – шындық, ұлт қасіреті деуге болады.

8-бет

● КЕЛЕСІ САНДА



КӨЛІК НАРҚЫНА ҚАНШАЛЫҚТЫ ЫҚПАЛ ЕТЕДІ?

● ӨНІР ӨНІМІ

САПАЛЫ ӨНІМ ӘРКЕЗ СҰРАНЫСТА

Кәсіп ашып көкжиегіңді кеңейту мүмкін еместей көрінетін. Ынта жоқ дерсіз, одан бөлек өзіне сенімсіздік тағы бар. Алдымен қаржы жағы қалай болар екен деп дүдәмал күйге түсетінімізді де жоққа шығара алмаймыз. Рас, кәсіпкерлікпен тек ауқаттылар ғана айналысатындай көрінетін көзге.

Сб Ержан ҚОЖАСОВ,
«Сыр бойы»

Бүгінде қала мен даладағы жұрттың айтар мәселесі – жұмыссыздық. Мемлекет те дәл осы дертпен күресуде кәсіпкерлердің ықпалы зор екенін айтып отыр. Әрі осы салаға бейімделу үшін түрлі бағдарламалар легін ұсынды. Әсіресе, ауылдағы ағайынға жақсы мүмкіндіктер қарастырып қойды.

Шағын және орта бизнеске деген қамқорлықты сезінгеннің бірі – Сырдария ауданының қарасты Қалжан ахун ауылының тұрғыны Гүлмира Махамбетова. Үкімет ұсынған бағдарлама мүмкіндігін қалт жібермеді. Дұрысы, ол «Бизнестің жол картасы – 2025» мемлекеттік бағдарламасы арқылы қайтарымызсыз грант ұтып, ауылда наубайхана ашқан. Қазір үш елді мекенді ыстық нанмен қамтып келеді.

– Кәсіп бастауға негізгі себеп болған жайт, ауылдағы



дүкендерде көбіне нан болмай қиналатынбыз, – дейді кәсіпкер келіншек. – Болашақта іске асырамын деген үш кәсіптің көзін арнайы дәптерге түсіріп қойған едім. Бірі – наубайхана өндірісі. Бизнес жоспар құрып, кәсіпкерлік курсынан өттім. 2020 жылы жобам қолдау тауып, қайтарымызсыз 2,2 млн теңге қаржы ұтып алғанымда қатты қуандым. Өрине, алғашында қиын болды. Ғаламтордан көріп, білгенімнен бері пісіру оңай шаруа емес. Оның өз технологиясы бар. Әлеуметтік желіден арнайы курскатасып, наннан бөлек тәтті бәліш, бөлішке, тандыр нан секілді өнім түрлерін халыққа ұсынып келеміз.

Гүлмираның наубайханасы күніне 500 бөлке ыстық нанды өндіре алады. Сонымен қатар тандырдың 100, бөлішкенің 100 және самсаның 200 дана-

сын тапсырыспен орындайды. Кәсіпкер ауылдан екі адамды жұмыспен қамтыған.

– Бұл берекесі мол кәсіп. Қазақ «Ас атасы – нан» деп бекер айтпаса керек. Сондықтан өз ісінді наннан бастауды жөн көрдім. Екіншіден, қай өнімнің де сапасы дұрыс болса ғана сұраныс тоқтамайды. Мен мұны анық түсіндім, – дейді ол.

Сапасына сақтықпен қарайтын кәсіпкердің ендігі мақсаты – көрші ауылдар мен кент орталығындағы бірнеше дүкенді нан өнімдерімен қамтамасыз ету. Қазір де тұтынушылар тарапынан сұраныс жоғары. Сондай-ақ Гүлмира кәсібін кеңейту үшін мемлекеттен жеңілдетілген несиені алу арқылы қондырғы өнімдер де дайындамақшы.

Сырдария ауданы

